

Vun driweriwer

erscheint auf www.lenauheim.de

monatliche
Erscheinung

August 2024

von Helen Alba

Trauwe, Moscht, Rambasch un Wein

Vun de saftiche Trauwe, sießem Moscht, spritzichem Rambasch bis zum gute Wein is e lange un arweitsreicher Wech. Bekannti Weingebiete im Banat ware: Rekasch, Marienfeld, Pankota, Minisch, Zillascher Berch (Busiasch, Bakowa). Trauwesorte: Zacklweiß, Gutedl, Riesling, Rot- un Weißschiller, Muskat Ottonell, Geisetittle, Ochseaue, Schmeckichi un anri meh. Um e guti Trauweernte zu han, hat im Weingarte fescht gearweit gin misse.

Wann im März die Erd trucke genuch war, hat mer ufdecke, schneide un Pheel schlann misse. Derno is es Hefte un Geize an die Reih kumm. Im Mai hat de Weinbauer mitm Spritze anfang, um die junge Triebe vorm Roscht zu schitze. Im Allgemeine is de Weingarte jährlich fünf Mol mit eener Bloosteen-Lesung gspritz un drei Mol ghackt gin. Vor jedem Spritze hat mer Hefte un Stutze misse.

Je nohm Wetter is die Trauweeles im September angang. Bei der Trauweles do is die ganzi Freindschaft zammkumm for helfe, weil die meischte Hausgärter han wenschtens e Trauwespallier ghat. Schun von derhem aus hat mer e Eemer mitghol, je greesser der war, umso besser. Weil am Schluss hat mer de Eemer voll Trauwe mache un mit hem holle kenne. De Garte war voller Leit, alli han emsich gelest. Wie die Trauwe im Fass ware, is de erschte Moscht geloff un es hat gheescht: jetzer mol alli an de Tisch, ihr hat sicher schun Hunger!

Wu kummt de Name Rambasch her?

Do derdriwert han ich im Banater Schwowe-Forum folgende Beitrach gelest: „Die Trauweeles is längscht voriwer un de Moscht is im Gäre. Do hat mer nit gewisst, wie mer die Prie nenne soll. Do hat de Hans de Jonje ingelad, die Prie zu koschte. De Hans ment, die Prie sei wie Rahm. No koscht de Jonje un saat `basch` (richtich). Die zwaa sin sich eenich gin, die Prie dann Rambasch zu nenne“!

Un es werd oft gsaat, de Rambasch hätt de „Teiwl in sich“!